

অনলাইন ফরম পূরণ ও অন্যান্য সাধারণ নির্দেশনাবলী

নিয়োগ বিজ্ঞপ্তিতে প্রকাশিত ৬ষ্ঠ হতে ২০ তম বেতন গ্রেডে আবেদনকারী প্রার্থীদের জন্য প্রযোজ্য

- ১। অনলাইনে আবেদন ফরম পূরণ: প্রার্থীকে টেলিটকের Web address: <http://cnp.teletalk.com.bd> এর মাধ্যমে নিয়োগ বিজ্ঞপ্তিতে উল্লিখিত সময়সীমার মধ্যে নির্ধারিত আবেদন ফরম পূরণ করে Online Registration কার্যক্রম এবং ফি জমাদান সম্পন্ন করতে হবে। উক্ত নিয়োগ বিজ্ঞপ্তিতে বর্ণিত নির্দেশনা মোতাবেক পরীক্ষার ফি প্রদানের হার ও পদ্ধতিটি যথাযথভাবে অনুসরণ করতে হবে।
- ২। বয়স: নিয়োগ বিজ্ঞপ্তিতে উল্লিখিত ক্রমিক নং-০২ হতে ১৭ পর্যন্ত পদের ক্ষেত্রে ০৪/০৪/২০২৩ তারিখে আবেদনকারীর বয়স ন্যূনতম ১৮ বছর হতে হবে। এছাড়া, পদ ভিত্তিক সর্বোচ্চ বয়স উক্ত বিজ্ঞপ্তি অনুযায়ী প্রযোজ্য হবে।
- ৩। জাতীয়তা:
 - ক) প্রার্থীকে অবশ্যই বাংলাদেশের নাগরিক হতে হবে।
 - খ) সরকারের পূর্বানুমতি ব্যতিরেকে কোন প্রার্থী কোন বিদেশি নাগরিককে বিবাহ করলে বা বিবাহ করতে প্রতিজ্ঞাবদ্ধ হলে তিনি আবেদনের অযোগ্য বিবেচিত হবেন।
- ৪। ডিক্লারেশন: প্রার্থীকে অনলাইনে আবেদনের ডিক্লারেশন অংশে এই মর্মে ঘোষণা দিতে হবে যে, আবেদনপত্রে প্রদত্ত সকল তথ্য সঠিক এবং সত্য। প্রদত্ত তথ্য বা তার অংশ বিশেষ অসত্য বা মিথ্যা প্রমাণিত হলে অথবা কোন অযোগ্যতা ধরা পড়লে বা কোন দুর্নীতির আশ্রয় গ্রহণ করলে পরীক্ষার পূর্বে বা পরে যে কোন পর্যায়ে প্রার্থীতা বাতিল এবং ভবিষ্যতে সরকার কর্তৃক গৃহীতব্য যে কোন নিয়োগ পরীক্ষায় আবেদন করার অযোগ্য ঘোষণাসহ তার বিরুদ্ধে যে কোন আইনগত ব্যবস্থা গ্রহণ করা যাবে। প্রার্থী কর্তৃক প্রদত্ত ডিক্লারেশন অনুযায়ী প্রিলিমিনারি/নির্বাচনী পরীক্ষার জন্য সাময়িকভাবে যোগ্য বিবেচনা করে প্রবেশপত্র প্রদান করা হবে। কোন প্রার্থী অনলাইনে প্রদত্ত তথ্য ও শিক্ষাগত যোগ্যতার প্রমাণস্বরূপ যথাযথ সনদ/প্রত্যয়নপত্র মৌখিক পরীক্ষার পূর্বে দাখিল করতে ব্যর্থ হলে বা কোন অযোগ্যতা ধরা পড়লে তার প্রার্থীতা বাতিল বলে গণ্য হবে।
- ৫। ছবি (Photo): আবেদন ফরম সফলভাবে পূরণ সম্পন্ন হলে Application Preview দেখা যাবে। Preview এর নির্ধারিত স্থানে প্রার্থীকে (দৈর্ঘ্যxপ্রস্থ) 300x300 pixel এর কম বা বেশি নয় এবং ফাইল সাইজ 100 KB এর বেশি নয়, প্রার্থীকে এরূপ মাপের সদ্য তোলা নিজের রঙ্গীন ছবি Scan করে .jpg Format এ Upload করতে হবে। সাদাকালো ছবি গ্রহণযোগ্য নয়। ছবি উল্লিখিত মাপের না হলে আবেদনপত্র বাতিল হবে। সানগ্লাস সহ ছবি গ্রহণযোগ্য হবে না। Home Page এর Help Menu তে ক্লিক করলে Photo এবং Signature সম্পর্কে বিস্তারিত নির্দেশনা পাওয়া যাবে।
- ৬। স্বাক্ষর (Signature): Application Preview তে স্বাক্ষরের জন্য নির্ধারিত স্থানে (দৈর্ঘ্যxপ্রস্থ) 300x80 Pixel এর কম বা বেশি নয় এবং ফাইল সাইজ 60 KB এর বেশি গ্রহণযোগ্য নয়, প্রার্থীকে এরূপ মাপের নিজের স্বাক্ষর Scan করে .jpg Format এ Upload করতে হবে। স্বাক্ষর উল্লিখিত মাপের না হলে আবেদনপত্র বাতিল বলে গণ্য হবে।
- ৭। প্রবেশ পত্র (Admit Card):
 - (ক) প্রার্থী তার User ID এবং Password ব্যবহার করে প্রার্থীত ছবি ও রেজিস্ট্রেশন নম্বর সংবলিত প্রবেশপত্র (Admit Card) Download করে নিতে পারবেন। প্রবেশপত্র Download এর শুরুর তারিখ ও সময় যথাসময়ে প্রার্থী কর্তৃক প্রদত্ত মোবাইল নম্বরে SMS এর মাধ্যমে জানানো হবে।
 - (খ) কোন প্রার্থী Online-এ আবেদন ফরম পূরণ করে ফি জমাদান সম্পন্ন করলে তার আবেদন চূড়ান্তভাবে গৃহীত হয়েছে বলে গণ্য হবে। প্রার্থী মিথ্যা, ভিন্ন/ভুল তথ্য দিয়ে একটি পদের বিপরীতে একাধিকবার ফরম পূরণ করে একাধিক Admit Card গ্রহণ করলে প্রক্রিয়ায়ণের যে কোন স্তরে জালিয়াতি প্রমাণিত হলে এরূপ প্রার্থীর সামগ্রিক প্রার্থীতা বাতিল হবে এবং ভবিষ্যতে আবেদনের জন্য অযোগ্য ঘোষিত হবে এবং উক্ত প্রার্থীর বিরুদ্ধে আইনানুগ ব্যবস্থা গ্রহণ করা যাবে।
- ৮। প্রয়োজনীয় সনদ/কাগজপত্র উপস্থাপনপূর্বক জমাদান: প্রিলিমিনারি/নির্বাচনী, লিখিত পরীক্ষা এবং প্রযোজ্য ক্ষেত্রে ব্যবহারিক ও মেডিকেল টেস্টে উত্তীর্ণ প্রার্থীগণকে সাক্ষাৎকারের জন্য আহ্বান করা হবে। সাক্ষাৎকারের সময় প্রার্থীগণ নিম্নোক্ত প্রয়োজনীয় সনদ/ডকুমেন্টসের মূলকপি উপস্থাপনপূর্বক সত্যায়িত ০৩ (তিন) কপি জমা দিবেন :

- (৮.১) শিক্ষাগত যোগ্যতার প্রমাণস্বরূপ বোর্ড বা বিশ্ববিদ্যালয় কর্তৃক প্রদত্ত সকল মূল/সাময়িক সনদের সত্যায়িত ফটোকপি।
- (৮.২) চার বছর মেয়াদি স্নাতক/স্নাতক সম্মান ডিগ্রিধারী প্রার্থীদের জমাকৃত সনদ/মার্কশিট/টেস্টিমোনিয়ালে যদি ৪ বছর মেয়াদি স্নাতক/স্নাতক সম্মান উল্লেখ না থাকে তবে অর্জিত ডিগ্রি ৪ বছর মেয়াদি স্নাতক/স্নাতক সম্মান মর্মে বিভাগীয় প্রধান/পরীক্ষা নিয়ন্ত্রক/রেজিস্ট্রার কর্তৃক প্রদত্ত প্রত্যয়নপত্রের সত্যায়িত কপি অবশ্যই জমা দিতে হবে। অন্যথায়, তাদের অর্জিত ডিগ্রি ৩ বছর মেয়াদি হিসেবে গণ্য করা হবে।
- (৮.৩) কোন প্রার্থী বিদেশ হতে অর্জিত কোন ডিগ্রিকে বিজ্ঞাপিত যে কোন পদের জন্য প্রযোজ্য শিক্ষাগত যোগ্যতার সমমানের দাবি করলে সেক্ষেত্রে মেডিকেল ডিগ্রিধারীদের বি.এম.ডি.সি, ডি.ভি.এম. ডিগ্রিধারীদের ভেটেরিনারি কাউন্সিল এবং অন্যান্য বিষয়ে ডিগ্রিধারীদের শিক্ষা মন্ত্রণালয়/বিশ্ববিদ্যালয় মঞ্জুরী কমিশন কর্তৃক প্রদত্ত ইকুইভ্যালেন্স সনদের সত্যায়িত কপি দাখিল করতে হবে।
- (৮.৪) জাতীয় পরিচয়পত্র/জন্মানিবন্ধন সনদপত্রের সত্যায়িত কপি।
- (৮.৫) সংশ্লিষ্ট ইউনিয়ন পরিষদের চেয়ারম্যান/পৌরসভার মেয়র/সিটি কর্পোরেশনের ওয়ার্ড কাউন্সিলর কর্তৃক প্রদত্ত নাগরিকত্ব সনদপত্রের সত্যায়িত কপি।
- (৮.৬) প্রযোজ্য ক্ষেত্রে অভিজ্ঞতা সনদের সত্যায়িত কপি দাখিল করতে হবে।
- (৮.৭) ক) মুক্তিযোদ্ধা কোটায় আবেদনকারী প্রার্থীকে মুক্তিযুদ্ধ বিষয়ক মন্ত্রণালয়ের ১৮/১০/২০২০ তারিখের ৪৮.০০.০০০০.০০৩.২৫.০১৯.২০.৮৭৫ নম্বর পরিপত্রের নির্দেশনা অনুযায়ী সংশ্লিষ্ট মুক্তিযোদ্ধার নাম সংবলিত ভারতীয় তালিকা/লাল মুক্তিবর্তা/গেজেট অথবা একাধিক তালিকার সত্যায়িত কপি জমা দিতে হবে। প্রার্থী কর্তৃক উপস্থাপিত 'ভারতীয় তালিকা' অথবা 'লাল মুক্তিবর্তা' অথবা 'গেজেট' কিংবা উপস্থাপিত একাধিক প্রমাণক মুক্তিযুদ্ধ বিষয়ক মন্ত্রণালয়ের ওয়েবসাইটে প্রকাশিত প্রমাণকের সাথে এক ও অভিন্ন হতে হবে।
- খ) মুক্তিযোদ্ধার বয়স ৩০/১১/১৯৭১ তারিখ বা তার পূর্বে ন্যূনতম ১২ বছর ৬ মাস ছিল মর্মে মুক্তিযোদ্ধার বয়সের প্রমাণক/ডকুমেন্টস হিসেবে মুক্তিযোদ্ধা সনদধারীর জন্ম তারিখ সংবলিত এসএসসি বা সমমানের সনদ, এসএসসি বা সমমানের পরীক্ষায় পাস না হলে সংশ্লিষ্ট শিক্ষা প্রতিষ্ঠানের প্রত্যয়নপত্র/জন্ম তারিখ সংবলিত প্রামাণিক দলিলের সত্যায়িত কপি জমা দিতে হবে।
- গ) স্থানীয় সিটি কর্পোরেশন/পৌরসভা/ইউনিয়ন পরিষদ কর্তৃক প্রদত্ত সংশ্লিষ্ট মুক্তিযোদ্ধার ওয়ারিশ সনদের সত্যায়িত কপি জমা দিতে হবে। মুক্তিযোদ্ধা জীবিত থাকলে ওয়ারিশপত্রে তার প্রতিস্বাক্ষর থাকবে এবং মুক্তিযোদ্ধা জীবিত না থাকলে ওয়ারিশপত্রে কমপক্ষে ০১ (এক) জন ওয়ারিশের প্রতিস্বাক্ষর থাকবে।
- ঘ) জনপ্রশাসন মন্ত্রণালয়ের ১৬-০১-২০১১ তারিখের ০৫.১৭০.০২২.০৭.০১.০২৪.২০১০-২৬ নং সার্কুলার অনুযায়ী উপযুক্ত প্রার্থী হিসেবে মুক্তিযোদ্ধা/শহীদ মুক্তিযোদ্ধাদের পুত্র-কন্যা পাওয়া না গেলে পুত্র-কন্যাদের পুত্র ও কন্যাগণ মুক্তিযোদ্ধা কোটায় বিবেচিত হবেন।
- ঙ) আবেদনকারী মুক্তিযোদ্ধা/শহীদ মুক্তিযোদ্ধার পুত্র-কন্যার পুত্র-কন্যা হলে সে মর্মে সংশ্লিষ্ট ইউনিয়ন পরিষদের চেয়ারম্যান/পৌরসভার মেয়র/সিটি কর্পোরেশনের ওয়ার্ড কাউন্সিলর কর্তৃক প্রদত্ত মূল সার্টিফিকেটের সত্যায়িত কপি জমা দিতে হবে।
- চ) মুক্তিযোদ্ধার পুত্র-কন্যা, পুত্র-কন্যাদের পুত্র-কন্যা হিসেবে আবেদনকারী প্রার্থীদের পিতা/পিতামহ/পিতামহীর/মাতা/মাতামহ/মাতামহীর মুক্তিযোদ্ধার সনদে উল্লিখিত ঠিকানা সংশ্লিষ্ট প্রার্থী কর্তৃক অন-লাইন আবেদনে উল্লিখিত স্থায়ী ঠিকানা হতে ভিন্ন হলে মুক্তিযোদ্ধা সনদে উল্লিখিত মুক্তিযুদ্ধকালীন ঠিকানার স্বপক্ষে এবং পরিবর্তিত স্থায়ী ঠিকানার স্বপক্ষে সংশ্লিষ্ট সিটি কর্পোরেশনের মেয়র/ওয়ার্ড কমিশনার/পৌর চেয়ারম্যান/ইউনিয়ন পরিষদ চেয়ারম্যান/নোটারি পাবলিক কর্তৃক স্বাক্ষরিত ২টি ভিন্ন ভিন্ন প্রত্যয়নপত্রের সত্যায়িত কপি জমা দিতে হবে।
- (৮.৮) শারীরিক প্রতিবন্ধী কোটায় আবেদনকৃত প্রার্থীগণ সংশ্লিষ্ট জেলা সমাজসেবা কার্যালয়ের উপ-পরিচালক/সমপদমর্যাদা সম্পন্ন/দায়িত্বপ্রাপ্ত কর্মকর্তা কর্তৃক প্রদত্ত সনদপত্রের সত্যায়িত কপি দাখিল করবেন।

(৮.৯) নিয়োগ বিজ্ঞপ্তিতে উল্লিখিত ১৪ তম হতে ২০ তম বেতন গ্রেডে বর্ণিত পদ সমূহের ক্ষেত্রে ক্ষুদ্র নৃ-গোষ্ঠী/এতিম/আনসার ও গ্রাম প্রতিরক্ষা কোটায় আবেদনকৃত প্রার্থীগণকে স্ব-স্ব কোটার স্বপক্ষে নিম্নেবর্ণিত সনদপত্রের সত্যায়িত কপি দাখিল করতে হবে:

- ক) প্রার্থী ক্ষুদ্র নৃ-গোষ্ঠী সম্প্রদায়ভূক্ত হলে সংশ্লিষ্ট জেলা প্রশাসকের নিকট হতে প্রাপ্ত সনদের সত্যায়িত কপি।
- খ) এতিম কোটায় আবেদনকৃত প্রার্থীগণ সংশ্লিষ্ট সরকারী অথবা বেসরকারী এতিমখানায়/শিশুসদনে লালিত-পালিত হবার সনদ/প্রত্যয়নপত্রের সত্যায়িত কপি দাখিল করবেন।
- গ) আনসার ও গ্রাম প্রতিরক্ষা কোটায় আবেদনকৃত প্রার্থীগণকে সাধারণ আনসার মৌলিক প্রশিক্ষণ/অস্ত্রসহ ভিডিপি মৌলিক প্রশিক্ষণ/গ্রাম ভিত্তিক ভিডিপি মৌলিক প্রশিক্ষণ/ব্যাটালিয়ন আনসার মৌলিক প্রশিক্ষণ সনদের সত্যায়িত কপি দাখিল করতে হবে।

(৮.১০) সরকার অথবা স্থানীয় কর্তৃপক্ষের চাকরি থেকে ইস্তফাদানকারী অথবা অপসারিত ব্যক্তিদের ক্ষেত্রে ইস্তফাপত্র গ্রহণ অথবা অপসারণ আদেশের সত্যায়িত ফটোকপি জমা দিতে হবে।

(৮.১১) সরকারী, আধাসরকারী, স্বায়ত্তশাসিত সংস্থায় কর্মরত প্রার্থীদের ক্ষেত্রে সংশ্লিষ্ট নিয়োগকারী কর্তৃপক্ষ কর্তৃক প্রদত্ত অনুমতি/ছাড়পত্রের মূল কপি প্রদর্শনপূর্বক সত্যায়িত ফটোকপি সাক্ষাৎকারের সময় দাখিল করতে হবে।

- ৯। অনলাইন আবেদন ফরমের স্থায়ী ঠিকানার (Permanent Address) নির্ধারিত স্থানে উল্লিখিত ঠিকানা ও জেলার স্থায়ী বাসিন্দা হিসেবে তাকে চাকরিতে মনোনয়নের জন্য বিবেচনা করা হবে। এক্ষেত্রে প্রদত্ত তথ্য ভুল প্রমাণিত হলে প্রার্থিতা/মনোনয়ন/নিয়োগ বাতিল হবে।
- ১০। প্রার্থীকে কেবল অনুমোদিত অনলাইন আবেদন ফরম পূরণ করে জমা দিতে হবে। মুদ্রিত কোন আবেদনপত্র জমাদানের কোন সুযোগ নেই।
- ১১। প্রার্থীর নাম ও পিতার নাম এসএসসি অথবা সমমানের সনদে যেভাবে লিখা আছে, অনলাইনে আবেদন ফরমে ঠিক সেভাবে লিখতে হবে।
- ১২। যে কোন পর্যায়ে গুরুতর (Substantive) ত্রুটি ধরা পড়লে প্রার্থিতা বাতিল হবে।
- ১৩। পরীক্ষা পদ্ধতি: আবেদনকারীদের প্রিলিমিনারি/নির্বাচনী, লিখিত, প্রযোজ্য ক্ষেত্রে ব্যবহারিক ও মেডিকেল টেস্ট এবং মৌখিক পরীক্ষা গ্রহণ করা হবে। এসকল পরীক্ষায় অংশগ্রহণের জন্য কোন প্রকার টিএ/ডিএ প্রদান করা হবে না।
- ১৪। প্রযোজ্য পদের ক্ষেত্রে নিয়োগ বিজ্ঞপ্তিতে উল্লিখিত পরিমাপ অনুযায়ী প্রার্থীর শারীরিক যোগ্যতা (উচ্চতা ও বুকের মাপ) মৌখিক পরীক্ষার পূর্বে যথাযথভাবে যাচাই করা হবে।
- ১৫। পরীক্ষার তারিখ, সময় ও আসন ব্যবস্থা যথাসময়ে ওয়েবসাইট সহ প্রার্থী কর্তৃক প্রদত্ত মোবাইল নম্বরে SMS এর মাধ্যমে জানানো হবে।
- ১৬। প্রার্থী মাদকাসক্ত প্রমাণিত হলে তিনি নিয়োগের অযোগ্য বিবেচিত হবেন।
- ১৭। নিয়োগ বিজ্ঞপ্তিতে উল্লিখিত পদসমূহের বিপরীতে ন্যূনতম শিক্ষাগত যোগ্যতা ব্যতীত কোন প্রার্থীর অতিরিক্ত শিক্ষাগত যোগ্যতা থাকলে তা আবেদনে অবশ্যই উল্লেখ করতে হবে।
- ১৮। এই বিজ্ঞপ্তিতে উল্লিখিত কোন শর্ত বা শর্তাংশ সম্পর্কে কোন প্রশ্ন উত্থাপিত হলে সংশ্লিষ্ট বিষয়ে নিয়োগকারী কর্তৃপক্ষের সিদ্ধান্তই চূড়ান্ত বলে গণ্য হবে। তবে কোন বিষয়ে অনুল্লিখিত থাকলে অথবা ব্যাখ্যার প্রয়োজন হলে নিয়োগকারী কর্তৃপক্ষ এ ব্যাপারে প্রয়োজনীয় সিদ্ধান্ত দিবেন।
- ১৯। কর্তৃপক্ষ পদসংখ্যা হ্রাস/বৃদ্ধিসহ নিয়োগ সংক্রান্ত যাবতীয় ক্ষমতা সংরক্ষণ করেন।